

衢州文獻集成

〔史部〕

第
45
冊

國家圖書館出版社
National Library of China Publishing House

衢州文獻集成

黃靈庚 諸葛慧艷

主編

〔史部〕

第
45
冊

國家圖書館出版社

鄭永禧纂

「民國」衢縣志三十卷
(卷二十五至三十)

民國二十五年(1936)鉛印本

第四五冊目錄

〔民國〕衢縣志三十卷（卷二十五至三十）

鄭永禧纂

民國二十五年（1936）鉛印本

.....

一

附衢縣志補遺一卷

衢山布衣纂

民國稿本

.....


六二五

衢
縣
志

第十七冊

卷二十五 列女





衢縣志卷二十五

列女志

六目

戚畹

計五人

壽母

計三十一人

賢媛

計二十四人

貞烈

計四十一人

貞孝

計二十二

節孝

計六百七十人

行

系

示

卷二十五

列女志

目次

一

浙江衢縣五縣

24157

卷之二

聯立平民工廠印

衢縣志卷二十五

縣人 鄭永禧 纂



列女志

劉向傳列女賢否並列其寓勸懲之意深矣婦人之所重在節建坊立表足爲巾幗增輝前人修志善善從長於此一門大端惟節之是尙他鮮及焉茲宗劉傳獨以母儀先之重胎教也而冠以戚畹者蓋猶周南之風化託始於后妃云爾

戚畹

宋

信安趙夫人（建炎以來朝野雜記）德壽宮有信安趙夫人

姚志引此於雜記下

按德壽宮在臨安府高宗退政後之所居此夫人疑係燕懿王後安定郡王令衿之眷屬入宮祇奉者令衿嘗以公族爲侍從而於孝宗又屬親支故夫人亦

得蒙寵召也

明

王皇后（康熙府志）王仁裕九世孫體崇遷樓山爲始祖明天順間二十世孫孟

文

譜名

有女

譜云女十四

選入東宮成化元年

天順八年正月憲宗即位詔明年改成化元年姚志作四年實誤

立爲

后賜箸帽灘灰山各產除其稅至萬曆元年始入科冊（明史后妃傳）孝貞皇

后王氏憲宗在東宮英宗爲擇配得十二人選后及吳氏柏氏留宮中吳氏既立

而廢遂冊爲皇后天順八年十月也

時憲宗即位未踰年故仍舊號

萬貴妃寵冠後宮后處之淡

如孝宗即位尊爲皇太后武宗即位尊爲太皇太后正德五年十二月上尊號曰

慈聖康壽十三年二月崩上尊諡曰孝貞莊懿恭靖仁慈欽天輔聖純皇后合葬

茂陵祔太廟

按明史以后爲上元人蓋由南京選秀北上故其籍不明或云王姓有家南京

者洪武初以尺籍隸錦衣衛成化進士兵部尙書王敞實爲衢之西安人也與

后同族故亦稱上元人今樓山王氏祠中尙存有鑾駕一具云

劉妃 南鄉四都劉人俗稱劉娘娘祠中尙有龍柱今存譜云明廣居公次女名韓娘年十七成化七年選入宮勅賜龍鳳燈二盞天皇國戚匾額一方又一聯云金枝承兩漢玉葉茂三衢

按劉妃與王后同時或云本中表姊妹由王后召入宮充嬪妃之列

選侍李貴人 (峽口區訪稿)李澤人宋相李宗勉同族貴人入宮時代不可考譜亦失載但傳其地產石榴昔貴人曾以手指捻印成方至今尙起圭稜彷彿方種疑亦附會不經

考李澤左近後山謝氏譜載有謝蟬兒爲宋孝宗宮人惟其時謝族住閩尙未遷衢俗傳李貴人或以此致誤

吳天錫女 (靜巖吳氏譜)天錫爲江右南昌石城王府引禮有女適石城王府明高皇孫東園王次子多爵號敬葵者

按明史諸王表石城王爲恭靖王奠堵惠庶四子景泰二年以鎮國將軍加封傳三世東園王未見不知爲石城王何人也

壽母

明

王母留氏 (王慕庭集) 嘉靖間王冕妻留氏年百有一歲

清

吳母祝氏 (康熙縣志) 明醫學正吳良心之媳夫國珍吏部省祭登仕佐郎清初鼎革時大兵入城鄰婦百數潛避於氏深閣中數日飢甚氏夜炊粥糜分濟之事翁姑以孝姑歿後哭泣喪明數年始復日持齋誦經戒殺見賣魚蝦者倍價收之命幼子置之溪流世業醫貧不贍者贈其藥資全活甚衆生子七女二康熙三十八年六月初八日壽正百歲耳聰目明飲食康健如常郡邑爲請旌表 (康熙府志) 詔旌爲貞壽之母後閱五年乃卒

葉母邵氏 (康熙縣志) 葉朝麒之妻葉先春之母母教既隆婦德尤著相夫訓子振起家聲年九十尙聰明強健如五六十時至九十九卒人惜其不少進一齡以

躋百歲也孫嘉琛邑庠生

江母鈕氏 (江氏譜)江起蛟之妻頗嫺婦德教子有方三子皆蜚聲庠序爲名諸生康熙四十七年八旬壽辰有溧陽探花日講起居注官詹事府左春坊左中允黃夢麟題贈笄幃令範四字壽躋九旬

孔母洪氏 (浙江通志)雍正八年西安縣民孔正淑妻洪氏百歲給銀建坊曰貞壽之門

陳母江氏 (嘉慶縣志)陳孟恂之妻秉性柔順于歸後事舅姑相夫子克盡婦道撫子教養備至且終年操作有敬姜風壽臻百歲族黨稱爲僅見云

張母鄭氏 (嘉慶縣志)張修和之妻嘉慶九年壽百有一歲見祥異

杜母吳氏 (嘉慶縣志)杜公賢之妻年三十夫亡守節撫子及孫茹苦安貞有斷

機之風現年九十九歲

嘉慶十五年人尚健在

葉母杜氏 (嘉慶縣志)葉萬歧之妻二十七歲守節家貧女工度日撫孤成立家

業日增壽至九十三而終親見孫曾列庠序者六七人

姚母徐氏（峽口姚氏譜）姚良章之妻年二十二守節上事孀姑下撫孤子成家

立業子孫繁昌道光二十六年旌表建坊壽至九十八

程母葉氏（中河程氏譜）程良武之妻道光三年百歲親見五代知府

譚瑞東詳請建坊

鄭母徐氏（石塘鄭氏譜）石溪塘人鄭洪効妻生嘉慶戊辰終光緒丙午壽九十

九

孔傳龍妻黃氏（採訪冊）三十二歲喪夫撫孤繼壽成立壽至九十六

孔昭熙妻王氏（採訪冊）生嘉慶四年終光緒二十三年壽至九十九

孔繼鏞妻徐氏（家傳）徐文明之女壽九十四歲

孔廣烈妻鄭氏（家傳）鄭世綱之孫女年四十而寡性慈和子昭駿設帳授徒遠

道從遊者甚衆浣衣授餐愛若家人子弟年九十一歲卒

徐寶書妻程氏（採訪冊）少聰慧有至性七歲喪母十二歲喪父皆哀毀盡禮從舅氏讀見女史節烈事輒手不釋卷歸寶書後事舅姑以孝聞咸豐八年兵災農人失業田生蕘稗氏勸夫收之兵退後磨蕘稗粉煮漿以食饑者全活多人村外多棄尸氏與夫親爲掩埋夫因觸穢病歿氏撫諸子均讀書有成年九十四壽終陳正之妻王氏（採訪冊）生有至性事舅姑盡孝姑病割股入藥病稍瘥再割姑病遂愈子孫亦多賢俊一庭和樂壽至九十六

王萬春妻蔣氏（家狀略）笄歲來歸萬春貧不自給後由行伍補城守營外委好行善以勞力代貲財氏爲人滌衣縫紉黽勉有無尤能贊助嘉道間歲大饑繼以疫癘萬春偶出郊見有尸骸暴露者五歸謀諸氏典簪珥葬之嗣卽連舉五子次飛熊由武生任江山汛千總氏受安人之封光緒四年正月元旦卒壽九十六世襲五經博士孔慶儀本生祖母王氏（採訪冊）光緒二十九年壽百歲督學題奏御賜貞壽之門又三年壽終

王世淮妻宋氏

(採訪冊)南鄉王千秋人世淮早卒氏年二十九遺一子撫之成

立入邑庠旋卒遺孫三人又撫之成立長孫聖時亦入邑庠家道昌順壽九十一

江賢三妻方氏

(採訪冊)西鄉兩頭塘人生嘉慶癸酉終光緒甲辰壽九十二

葉世球妻潘氏

(採訪冊)青年守節紡績課兒壽九十一

孔毓儒妻鄭氏

(採訪冊)西鄉慈姑壩人壽至九十六

胡慈松妻徐氏

(採訪冊)北鄉考坑人親見五代光緒間邑侯胡壽海曾以五葉

同堂匾褒之民國二年壽九十七無疾而終

黃松開妻龔氏

(採訪冊)于歸後簞食瓢飲貧不堪憂而氏相夫養姑曲盡婦道

年三十八夫故直至赤貧如洗檢牛馬矢曝乾作薪勤植蔬圃藉資饘粥遺腹一

子乳名長根小心撫育茹苦含辛絕無怨色復童養一媳去聘錢一串爲黃氏綿

宗祀愛如己女從儉完姻厥後親見三孫成立食指日繁而家仍不豐民國三年

卒壽一百歲苦無資未請旌

鄭洪墀妻李氏（採訪冊）石溪塘人與鄭洪効妻並稱二老道光八年生民國八年終壽九十四

王招狗妻張氏（採訪冊）寧墩人民國十年壽一百有一歲夏正五月終

程德印妻陳氏（中河程氏譜）卽程母葉氏曾孫媳齊眉八秩親見五代生一子長晉邑諸生年近七旬事母不倦民國六年氏壽九十知事桂鑄西書贈萊綵承歡四字匾額至十年終壽九十四

范廣福妻江氏（採訪冊）萬田人性節儉食貧耐苦三十五歲喪夫日坐破屋中操作戶外無足跡撫子育孫以耕給養民國八年壽九十

華克壩妻方氏（楊文洵方孺人壽序）年十八歸華家赤貧安之若素越七年洪楊變起夫婦負一弱子避難山中備嘗艱苦克壩因染疾不起氏痛不欲生誓以身殉親戚勸念華氏一脈始已時大兵之後繼以凶年零丁孤苦告貸無門氏藉針黹度活夜燃松脂工作課兒以讀並訓以爲人之道孤稍長出所蓄置田園俾